



Inatsisartunut ilaasortaq
Aslak W. Jensen, Siumut

§ 37 apeqqut normu 2021/52-mut akissuteqaat

Brevdato: 09-06-2021
Sagsnr. 2021-10580

Inatsisartut Suleriaasianni § 37, imm. 1 naapertorlugu soraarnerussutisiaqalernissamut aaqqissuussinermut peqataasussaataaneq pillugu Naalakkersuisunut apeqqummik nassitsisimavutit. Apeqquteqaammut akissutinnut innersuunneqarputit.

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

1. Naalakkersuisuutitaqartut partiivisa utoqqalinissamut ileqqaartussaataaneq peerniarlugu qinequsaarnermi neriorsuutertik piviusunngortinniirpaat?

Soraarnerussutisiaqalernissamut aaqqissuussinermut peqataasussaataaneq pillugu inatsit 2016-imi ukiakkut ataatsimiinnermi imm. 19-itut siullermik akuerineqarpoq. Partiit tamakkerlutik inatsit akuersissutigivaat, taamaallaat ilaasortaq ataaseq akertiilluni taasilluni. Kingornatigut inatsit assigiinngitsutigut naleqqussarneqarsimavoq.

Naalakkersuisooqatigiinnissamik isumaqatigiissummi 16. april 2021-meersumi, partiit naalakkersuisunngortitsinermi peqataasut isumaqatigiissutaanni allassimasoqanngilaq soraarnerussutisiaqalernissamut aaqqissuussinermut peqataasussaataaneq peerneqassasoq.

Naalakkersuisut kissaatigaat innuttaasut akornanni annertunerusumik naligiittoqassasoq. Innuttaasunut soraarinnngortunut tamanna aamma atuuppoq. Innuttaasut soraarinnngornissaminnut katersisut, soraarinnngornermi aningaasaqarnikkut pitsaanerusumik atugaqalerneq misigissavaat, taamaalillutillu assigiinnerusumik atugaqalerlutik, aammalu naligiinnginneq akiorniarlugu ilungersuuteqassaagut. Taamaammat pitsaasuvoq innuttaasut suli amerlanerusut utoqqalinissaminnut katersillutik aallartissimasut takusinnaagatsigu.

2. Utoqqalinissamut ileqqaartussaataaneq peerneqassappat qanoq nunatta karsianut aningaasatigut kinguneqassava?

Soraarnerussutisiaqalernissamut aaqqissuussinermut peqataasussaataanerup aallartisarneqarneranut atatillugu, kommuninut ataatsimoortumik tapiissutit qaffanneqarput. Qaffaassutit kommunit akileraartarnermit isertitassatut annaasassaannut taarsiutaapput, Kalaallit Nunaanni soraarnerussutisiaqalernissamut aaqqissuussinermut akiliutit inatsimmi qaffanneqarmata. Soraarnerussutisiaqalernissamut aaqqissuussinermut peqataasussaataaneq pillugu inatsimmik allannguinerit kingulliit tamakkiisumik atuutsinneqalissapput 2026-milu 10%-iussalluni. 2026-mi aaqqissuussamik tamakkiisumik atuutsinneqalerpat kommuninut taarsiissutit ukiumut 92,3 mio. kr.-ussapput. Soraarnerussutisiaqalernissamut aaqqissuussinermut peqataasussaataaneq kingorna atorunnaarsinneqarnissaa toqqarneqassappat, ataatsimoortumik tapiissutit amerlaqataannik appartinneqarsinnaapput. Taamaammat

piffissaq sivikinnerusoq isigalugu soraarnerussutisiaqalernissamut aqqissuussinermut peqataasussaataitanermik atorunnaarsitsineq kommuninut ataatsimoortumik tapiissutit annikillineqassapput, Nunattalu Karsiata akileraarutinik isertitai annertunerulissallutik.

Piffissaq ungasinnerusoq isigalugu soraarnerutisiallit naleqquttumik inuuniarnerinut Nunatta Karsianit aningaasartuutit malunnaatilimmik qaffannissaat aarlerinartoqarpoq, soraarnerutisiallit amerlasuut soraarninngornissaminnut katersisimanngippata. Nunatta Karsia soraarnerussutisianut tunngatillugu aningaasartuutaat qaffappata, siunissami akileraartartussanut akileraarutaasartunik qaffaanermik imaluunniit sammisaqarfinnut allanut sipaarniarnernik kinguneqarsinnaavoq.

Nunap aningaasaqarneranut nunatsinnilu katersaanut pitsaasuvoq, innuttaasut soraarninngornerminni isertitaasa qaffasissusaat annertuumik annikillineqanngippat. Soraarnerussutisiaqalernissamut aqqissuussinermut peqataasussaataaneq siunissami soraarninngortussat toqqissisimanartumik aningaasaqarnerannut qulakkeerinneqataassaaq innuttaasullu sivisunerusumik inuusalererat peqatigalugu naligiinnginnerannut annikillisaataassalluni.

Soraarnerussutisiaqalernissamut aqqissuussinermut peqataasussaataitanermit innuttaasut amerlanersaat nammineerlutik imminnut pilersorsinnaanerannik kinguneqassaaq, taamaalillutik siunissami kinguaariit annertunerusumik artukkissanagit.

Inussiarnersumik inuulluaqqusillunga



Asii Chemnitz Narup